

Embo á KiKomo



E M B O Á K I K O M O

Cantiques en Komo

contribués par

**Baseki Ramazani
Djogo Ngoi-á-Nyongo
Nsembó Erasto
Omari Muzalia
Alua-Malobani
Sesekita Lydia
Paul Thomas**

**Bureau de Traduction Komo
Katinga, Lubutu, Maniéma, Zaïre
première impression 1989 1.5 M**

ABHE, OSOKUIA NGOMI	38
ATUMI	25
BÁ BHÍBHÍ MOKONGA	46
BABONDI MŌGŌGŌ	37
BAKE BASAŌ	3
BANAMASU	1
BANAMASU	2
BANI BUNDO	10
BEDHONDANI	22
BÉKÉGAMEKU	35
BENU BADHASU	5
BESU BAKPA BAJEDE	4
BESU BENA NAMISI	31
BHIKA MŌKŌTA	43
BHIKANI BŌEE	33
BUKU Á MOKONGA	9
DEKETA YESO	28
ISO NDEAMŌ	26
K'ESA NDE	8
K'ESA NDE NETUMI	27
KANISIA MŌKŌTA	19
KELIMELIME	7
KÉSIKIEKU MBUSA	44
KILISTO AJUJUKI	32

MALAIKA TOKA N'EGO	47
MBUA NDEA N'EGO	20
MOKONGA	6
MONANI MBENJE	40
NAMISI NDEASU	41
NEGE	42
NENA BOAMIA	18
NENA MASEYE	13
NESUI TONDŌ	36
NEOMEMA GAMBA	11
NNA NA DHANI ANGBŌ	16
NYONGŌ Á KOTANGAAGA	39
NYONGŌ Á KUKUA	23
OBHEBHŌ KA YESO	30
OBHIKI KA YESO	15
OSUI TAMBA	34
OBHEA ABHŌA	29
ŌKA DHANI	17
YÉSO, BEKOBHEBHI	45
YÉSO, INA NDEAKŌ	21
YÉSO NNAŌKETIA	14
YÉSO, ÓMOPHANGIAGA	12
YONGA MOKONGA	24

E M B O Á K I K O M O

1. BANAMASU

1. Banamasu bhikani pho koni,
Bóokeni pho ka nyongwo ndea Mokonga. (x2)
(1s) Mókota Yéso
(1s) Abhasu Yéso
(1s) Namisi Yéso
(ts) Asóbhisande k'oma ndo anja. (x4)
2. Beogama ka nyongwo á badhasu,
Bundo bánaowoka ka nyongwo ndea Mokonga. (x2)

2. BANAMASU

1. Banamasu, banamasu,
Bhikani pho bowke ka nyongwo á Mokonga.
Nga, ekanga unge aoemanaga. (x2)
2. Bogeaeaka, bogeaeaka,
Níibhe bénde ámbé dánetubu ndeamo,
Nga, ekanga unge aoemanaga.

3. BAKE BASAO

1. Bake basao, dábage k'aphe á onjia bhota,
Dábaoni nyongwo ko, ee. (x2)
(1s) Ko ee, ko ee
(ts) Dábaoni nyongwo ko ee. (x2)
2. Dábage ee, báondhonda, Malaéka, n'aiki gu ete ee,
Báoyayama aa. (x2)
(1s) N'aiki gu ete ee
(ts) Báoyayama aa. (x2)
3. Ráotimanaga, báokenganaga, báuusianaga,
Animbe bomáonkaba? (x2)
(ts) Beonkaba Namisi (x2)

4. BESU BAKPA BAJEDE **Omari & Sese Kita Lydia**

1. Besu bakpa bajede,
Be tɔ ka nyɔngɔ ɔngbo.
Débedeketi tɔndɔ,
Nyɔngɔ ndea Mokonga.
2. Yéso dáju tɔndɔ,
Ye ambe Namisi ndeasu.
Nna na bojede moci,
Tɔndɔ nkpa anjanja.

5. BENU BADHASU **Djogo & Baseki**

1. Benu badhasu, bókanisia.
Bojeme ndea mokonda asiande ee,
Ndea n'ego kásieeka,
Aiki mɛnda mɛte ake ee. (x2)

Bége n'obe Abhe Yéso
Bemáokogamea aa
Ka kasa ndea Mokonga, beotangaga.
Mema ndeakɔ atingi bhuhui. (x2)
2. Benu babhasu ...
3. Benu bamasu ...

6. MOKONGA

Mokonga, bhisa njaga,
Gu á pheá ndeasu (x2)

Áámé éé.

7. KELIMELIME

Alua-Malobani

1. Kelimelime, dankabigi Yéso,
Bhika ómòbhèdè k'eme. (x2)
 - (1s) Abhè bhika ee
 - (1s) Mòkòta Yéso
 - (ts) Bhika ómòbhèdè k'eme (x2)
 - (1s) Abhè komodoè ee (x2)
 - (ts) Abhè komodoè, ambe nekuande,
Bhika ómòbhèdè k'eme (x2)
2. Batò-a-na-ntanga, bánkabigi Yéso,
Esa sina abhikaeka ee? (x2)
3. Batò-a-masii, bánkabigi Yéso,
Esa sina (x2)

8. K'ESA NDE

1. K'esa nde bena maseye ka kidia á badhasu.
Bákidi mòtesu, ka iyoma.
Badhasu, béké na kema nde benóphande mm,
Abhè bhisa njagako gu á badhasu. (x2)
 - (1s) Abhè bhisa njagako gu á badhasu,
 - (ts) Bhisa njagako, kabè n'ande buiki,
 - (ts) Kabè n'ande maseye.
 - (ts) Badhasu béké na kema nde benóphande mm,
 - (ts) Abhè bhisa njagako gu á badhasu. (x2)
2. Badhasu bátoki ka nji á dangadanga,
Bádaphi mamba, bádhidhi mamba,
Badhasu, béké na kema nde... (x2)

9. BUKU Á MOKONGA **Alua-Malobani**

Buku á Mokonga anja. (x2)
Okotanga esa bhui,
Akophande bukpekpe.
Buku á Mokonga anja.

10. BÁNÍ BUNDŌ

1. Bání bundŏ, bámáɔnyɛnya ndŏ ee.
Bana-Mokonga, bana-Mokonga. (x2)

Obe, kúubhimbe mɔnɔ,
Dábandhungi Mɔkɔta ndea baYúdha,
Ka nyɔngɔ akɔ,
Aunge bámáontumaga ee. (x2)
2. Bání bundŏ, bámáoemba ndŏ ee,
Bana-Mokonga, bana-Mokonga. (x2)

11. NƐŌMƐMA GAMBA **Omari Muzalia**

NƐŏmƐma gamba k'ɔbhɛa.
Nébe nyɔngigi ndeake.
Nekondi etoboa ka Yéso,
Ka mbenɔ nde ye ajande.
Béembeni, béembeni,
Béndokomisɛni Yéso Namisi.
Bénkondenɛni, bémǎkenɛni,
Ka buiki ndeasu bhui.

12. YÉSO, ÓMOPHANGIAGA

Nsembɔ Erasto

1. Yéso, ómophangiaga, (doni)
Ka mema á ekanga nde.
Eme ne ka keiphe, (phɛɛ)
Bojede amokpatikisi. (doni)

Mɔkɔta, Yéso, obe ómophangiaga.
Ba kimoti n'obe,
Mɔkɔta ómɔtɔtɔkisia.

2. Nɛdɔti na nkumba nde, (adoko)
Ómopa phɔ bukpekpe.
Nkumba nde a aphoo, (doni)
Ba kimoti n'eme. (Ka aphe)
3. Obe mphanigi anjanja, (phɛɛ)
Obe ámbé uuubha aphe.
Eme kébungegɛku, (gbati)
Nekidiane ka bonjanja. (doni)

13. NENA MASEYE

Omari Muzalia

Nena maseye subí á memani,
Nyɔngɔ nde Yéso dámoamisi.
Neoemba obhebho ndea Mɔkɔta,
Ka nyɔngɔ nde amokondi phɛɛ.
Dátokisi bojede ndeamɔ bhuhui.
Magia ndeake anja amosokosi.
Nena maseye subí á memani,
Nyɔngɔ nde Yéso dámoamisi.

14. YÉSO NNAŌKETIA

Djogo & Baseki

1. Yéso nnaŏketia, nnaŏketia, nnaŏketia,
Yéso nnaŏketia, be - ε - ndo.
2. Yéso dámosokosi, dámosokosi, dámosokosi,
Yéso dámosokosi, do - o - ni.
3. Yéso amoseseande, amoseseande, amoseseande,
Yéso amoseseande, na ko - bha.
4. Maseye ka Yéso, ka Yéso, ka Yéso,
Obhebhə ka Yéso, e - sa bhu - i.

15. OBHIKI KA YÉSO

Baseki Ramazani

1. Obhiki ka Yéso k'aphe á esokosa?
Ōsokosi ka magia ndea Yéso?
Uubhi doni ngomi ake akodhondi?
Ōsokosi ka magia ndea Yéso?

Ōsokosi ka magia,
Ōsokosi ka magia ndea Yéso?
Memakə aye na bonjanja pheə.
Ōsokosi ka magia ndea Yéso.
2. Esa bhui okobea aphe ndeake,
Ōsokosi ka magia ndea Yéso.
Kogee mənə sumbii osebei,
Ōsokosi ka magia ndea Yéso?
3. Asikiande goto ka mokonda nde.
Ōsokosi ka magia ndea Yéso.
Nna na nkpa ajede kosi na kobha.
Ōsokosi ka magia ndea Yéso.
4. K'esa nde kəkə toka ka bojede.
Ōsokosi ka magia ndea Yéso.
Ngomi ndea Namisi koyege mənə,
Ōsokosi ka magia ndea Yéso.

16. NNA NA DHANI ÁNGBO

Basɛki Ramazani

1. Nna na dhani ángbõ n'a bea Yéso,
Ye tɔndɔ, ye tɔndɔ.
Nna na Namisi nna goto bei,
Ye tɔndɔ, ye tɔndɔ.

Atɔkuubha bɔjɔkiɔ ndeasu.
A bhíbhí asu k'aphe bhui.
Nna na dhani ángbõ n'a bea Yéso,
Ye tɔndɔ, ye tɔndɔ.

2. A tɔ sasakɛ Motakatephu,
Ye tɔndɔ, ye tɔndɔ.
Esa tɔ bhui ye nnaotingana,
Ye tɔndɔ, ye tɔndɔ.
3. Yéso dágabhi koboame ndeake,
Ye tɔndɔ, ye tɔndɔ.
Ka ngisa asu tɔ n'aphe á n'ego.
Ye tɔndɔ, ye tɔndɔ.
4. Yéso aɔtɔka amisa á bakpa.
Ye tɔndɔ, ye tɔndɔ,
Ka tɔka á bojede ka memani,
Ye tɔndɔ, ye tɔndɔ.

17. OKA DHANI

Basɛki Ramazani

Oká dhani, oká dhani.
Yéso aamisande memani na memakɔ.

Masia aamisande,
Memakɔ na memani.

Yéso asokosande memani na memakɔ.

18. NENA BOAMIA

Baseki Ramazani

1. Ne photo na boamia ka mema esa bhui.
Boamia ndea Yéso Namisi.
Nebókoteani ka mema á Mokonga.
Neoba na boamia ndea Yéso.

Nekuti ka mema na bojeme á Mokonga,
Na mema á Mokonga abei.
Neye to koika k'esa to pheε,
Na esa nde Yéso Namisi.

2. Dámoamisi ka kukua na keke nde.
Netondo na boamia ka mema,
Maseye a ka memani nemákonembea,
Namisi ndo dámokondi.
3. Buiki nde neoni a to anja to pheε.
K'aphe ndo aomotámbisa,
Maseye na bonjanja neoni ka Yéso.
Namisi ndo dámokondi.

19. KANISIA MOKOTA

Omari Muzalia

Kanisia Mókota Yéso,
Kanisia Mókota Yéso. (x3)

Somani na keiphe,
Kanisia Mókota Yéso. (x3)

Na k'endu ndeako,
Kanisia Mókota Yéso. (x3)

Na k'ekuma ndeako,
Kanisia Mókota Yéso. (x3)

Na ka baniki ndeako,
Kanisia Mókota Yéso. (x3)

Na ka imona ndeako,
Kanisia Mókota Yéso. (x3)

20. MBUA NDEA N'EGO

Basēki Ramazani

1. Mbua ndea n'ego, áǝke sumbii dósagi n'ǝku.
Gu á mokonda bhuhui, bhisa njaga gu asu.

Mbua á n'ego, mbua á n'ego, óteke.
Osókuia ngomi, beǝkǝmema Abhabhisa.
2. Mbua ndea n'ego, śǝǝkeǝ, ósojujukise,
Gu á mamba na mpenga.
Mbua á n'ego, ájuǝ.
3. Mbua á n'ego, śǝǝkeǝ ka mokonda tǝ bhuhui,
Bakpa á mokonda báame,
Mbuka á mema átee.

21. YÉSO, INA NDEAKǝ

Basēki Ramazani

1. Yéso, ina ndeakǝ anyenyi ina bhui,
Nnde a tǝ ka mokonda.
Yéso, Yéso, ina ndǝ.
Atumisi memani na jai.

Ina ndea bukpekepe doni,
Ka tokisa bojede ndeamǝ bhui.
Yéso, Yéso, ina ndǝ.
Ande maseye ka mbuka á memani.
2. Ángbǝ ina nnaye ka mokonda nde,
Ana bukpekepe á boamia doni.
Yéso, Yéso, ina ndǝ,
Ina á kau ande nsebeǝ ndeasu.
3. Kétǝkeku ka bosea Yéso,
Ina ndeake ande boamia ndeamǝ.
Yéso, Yéso nemǝnande,
Goto esa bhui n'aphe á n'ego.

22. BEDHONDANI

Alua-Malobani

- (1s) Bedhondani (x4)**
- (1s) Banamasu (x4)**
- (ts) Bedhondani na badhasu ka iyoma,
Ka iyoma ndea Mokonga ee. (x8)**

23. NYONGO Á KUKUA

- (1s) Kabe neɔki nyongo á kukua,**
- (ts) Neoianaga subi á mema.
Abhe nebaeka boni, esa nde nekuande. (x2)**
- (1s) Kabe neoeaga (x2)**
- (1s) Kabe neogama (x2)**
- (1s) Kabe neoemba (x2)**
- (1s) Kabe neotamba (x2)**
- (ts) Ianaga esa nde nekuande (x8)**

24. YONGA, MOKONGA

Omari Muzalia

**Yonga, Mokonga.
Ka nyongo nkobe ndeako,
Nkobe ndeako amáɔka,
A - má - ɔ - ka.**

25. ATUMI

Omari Muzalia

**Atumi, atumi,
Caa ndeamo atumi.
Mokonga dámoamisi,
Nena maseye phele.
Caa ndeamo atumi.**

26. ISO ANI

Omari Muzalia

Iso ani ka Mokonga to.
Ketue ani ka aka ake.
Ecinji ka beaga Yéso,
Ebombo ka bhebha Mokonga.
Njagani k'ekuma anja,
Na memani ka konda ake.

27. K'ESA NDE NETUMI

Omari Muzalia

K'esa nde netumi na maseye,
K'esa nde netumi na maseye.
Ka nyongo ndea Namisi,
Doni k'esa nde netumi na maseye.

28. DEKETA, YÉSO

Omari Muzalia

Deketa, Yéso ángie,
Deketa, Yéso ángie.
Ukua pho kio á ka memako. (K'esa)
Deketa, Yéso ángie.

29. OPHĒA ABHŌA

Omari Muzalia

1. OphĒa abhŌa ndeamo,
Netoboande doni. (x2)
Ka Yéso, ka Yéso, ka Yéso.
2. Késomĕku subi á jo,
Nebhisande bhase. (x2)
Ka Yéso, ka Yéso, ka Yéso.
3. Nketi aobhika ogea uu,
Nebondeande doni. (x2)
Ka Yéso, ka Yéso, ka Yéso.

30. OBHEBHŌ KA YÉSO

Nsembŏ Erasto

1. Obhebhŏ ka Yéso béembe kimoci,
Esa akodokani ka bonjanja.
Na mbenŏ á ka mbimba bégbukeni mŏanku.
Ye ande nengi anjanja.
2. Na kéké nde bémeme kimoci,
Ósophangiégé Mŏkŏta Yéso.
Ka phangiaga, dunduaga na ka tanga.
Obe mphangigi anjanja.
3. Ósophangiaga ubhapha ndea doni,
Mosa ka ubha Mokonga ndeasu.
Na mbusa ubhapha bhuhhui asóbeande.
Obe mphangigi anjanja.
4. Bondŏ k'esa nde ósoenga phŏ,
Ka nyŏngŏ ndeasu tŏ bhuhhui.
Ka yŏnga na tambea ndea baniki ndeakŏ,
Ákŏbŏngé esa bhuhhui.

31. BESU BENA NAMISI

Nsembŏ Erasto

1. Besu bena Namisi, Namisi, Namisi,
Besu bena Namisi, ina ndeake Yéso.
2. Besu bena Mŏkŏta, Mŏkŏta, Mŏkŏta.
Besu bena Mŏkŏta, ina ndeake Yéso.
3. Besu bena Mbondi, Mbondi, Mbondi.
Besu bena Mbondi, ina ndeake Yéso.
4. Besu bena Nkondi, Nkondi, Nkondi.
Besu bena Nkondi, ina ndeake Yéso.
5. Besu bena Mphangigi, Mphangigi, Mphangigi.
Besu bena Mphangigi, ina ndeake Yéso.

32. KIÍSITO AJUJUKI

Nsembɔ Erasto

1. Kiísito ajujuki - aleluia.
Dángu tɔndɔ na nketi - aleluia.
Kukua dákánboege - aleluia.
Emba embɔ ka maseye - aleluia.
2. Yéso Namisi ndeasu - aleluia
Aphendi nyɔngɔ ndeasu - aleluia.
Aduki magia ndeake - aleluia.
Mbhebhani Namisi Yéso - aleluia.
3. Etae dáingitanigi - aleluia.
Babondi dábaekani - aleluia.
Yéso a tɔ kojuana - aleluia.
Bhebha ntɔki ndea bhota - aleluia.
4. Moame ndea boamia - aleluia.
Dáku tɔ gendu moci - aleluia.
Ka opha asu boamia - aleluia.
Bhebha Yéso moame ndeasu - aleluia.
5. Yéso keke nde moame - aleluia.
Namisi ndea bakpa bɔbhu - aleluia.
Bhebha, bhebha, ka maseye - aleluia.
Yéso Kiísito Mɔkɔta ndeasu - aleluia.

33. BHIKANI BÓEE

Omari Muzalia

Bhikani, bóee eea, bhikani.
Yéso anɔphani bhikani.
Bona nja ka memanu,
Ka eea ndɔ á doni,
Keke mbeekani phɔ, bhikani.

34. OSUI TAMBA

Nsembɔ Erasto

1. Osui tamba n'aphe á n'ego,
Nenga tɔndɔ Yéso.
Akophangiagande aphe,
Nenga tɔndɔ Yéso.

Nenga tɔndɔ Yéso,
Nenga tɔndɔ Yéso.
Akophangiagande aphe,
Nenga tɔndɔ Yéso.

2. Kotambe mɔnɔ k'aphe mbamba,
Nenga tɔndɔ Yéso.
Aphe a danga sua tamba,
Nenga tɔndɔ Yéso.

3. Auubha kukua ndea nkeke,
Nenga tɔndɔ Yéso.
Mɔkɔta a tɔ kubhi á aphe,
Nenga tɔndɔ Yéso.

35. BÉKÉGAMEKU

Paul Thomas

1. Békégameku, bemɔnande Yéso. (x3)

Aleluia, aleluia, bemɔnande Yéso.

2. Békébangeku, bemɔnande Yéso. (x3)
3. Békékueku, bemɔnande Yéso. (x3)
4. Békégameku, bemɔnande Yéso. (x3)

36. NESUI TONDŌ

Nsembɔ Erasto

1. Nesui tondɔ memani.
Ka Mokonga, ka Mokonga.
Nena siki ka memani,
Yésɔ tɔ, Yésɔ tɔ.
Moame ande ntɔa-geneɛgene,
Amopi tondɔ boamia,
Bondɔ kɛkɛ nembhebhande.
Yésɔ tɔ, Yésɔ tɔ.
2. Miki nde Mokonga ankondi,
Yésɔ tɔ, Yésɔ tɔ.
Nkondisigi ndea bakpa,
Yésɔ tɔ, Yésɔ tɔ.
Nna goto na nkpa ángbo,
Dáduki magia ndeake.
Dásokui tɔ gu á me.
Yésɔ tɔ, Yésɔ tɔ.
3. K'esa, máma esa bhuhui,
Yésɔ tɔ, Yésɔ tɔ.
Nnaoketia esa bhui,
Yésɔ tɔ, Yésɔ tɔ.
Kɛkɛ nde ye akondi tɔ,
Tondɔ opha akɔ boamia,
Obe phɔtɔ uubhande.
Yésɔ tɔ, Yésɔ tɔ.

37. BABONDIGI-MŌGŌGŌ

Nsembŏ Erasto

1. Babondigi-mŏgŏgŏ k'ŏma mbokani,
Dábaŏki nyŏngŏ na Malaéka.
Ka benu nyŏngŏ ndea maseye phele,
Muna-Mokonga Kiísito abŏkŏteani.

Nŏé, Nŏé, maseye, maseye.
Abŏkŏteani Manŏé.
2. Bégeni keke nde na Bheteléému,
Bŏnande nyŏngŏ á ketangŏ.
Bŏmŏnande miki Yéso n'amake Malía,
Ntŏa-phŏngŏ, goto na ntŏa-buyene.
3. Babondigi dábage mbangŏmbangŏ phele,
Dábaŏki tŏmiaga na Malaéka.
Dábandhondi miki Yéso báogbuka mŏanku,
Dábaubhi gea te Kiísito Masía.
4. Mbusa baubhaphi dábaŏni seengŏa,
Déphangisi aphe anja phele.
Dábakidi ŏma ndŏ Yéso abŏkŏteani,
Dábamophi ekŏmi na boongo ângbo.
5. Mbusa na besu ka mema ndeasu,
Bembhebhande Yéso Namisi ndeasu.
Ande Mŏkŏta ndea bakpa bŏbhuh,
Beabhande nyŏngŏ ndeake ŏma bhui.

38. ABHE, OSOKUIA NGOMI

Alua-Malobani

Abhe oo, ósokuja ngomi ee.
Ngomi ee, bende banakŏ.

39. NYŌNGŌ Á KOTANGAAGA

Nsembŏ Erasto

1. Nyŏngŏ á kotangaaga,
Dábetu ka bojede.
Nga, Yéso Mŏkŏta ndeasu,
Dáku ka nyŏngŏ ndeasu.

Animbe dásokui mŏnŏ?
Yéso Kíísito Mŏkŏta ndeasu.
Ama ŏani?
N'aphe á kobha.
Ekuma sina?
Mbeeka,
Aŏmema ka nyŏngŏ nesu.

2. Nnaŏtŏtŏkeana Malaéka,
Ondisa bakpa bŏbhu.
Mokonga dámbhisi Yéso,
Nkondanisigi ndeasu.
3. Obe mbeeka Yéso Kíísito,
Ande Namisi ndeakŏ.
Obande na mema á Mŏkŏta,
Okidiande na kobha.

40. MŌNANI MBENJE

Paul Thomas

1. (1s) Mŏnani mbenje, aiki ka ngbongbo,
- Ka mbimba á Nŏele.

(ts) A - a -mε. (x5)
2. (1s) Mŏnani kubhi ibo, phangia n'amisa,
Babeeki baungŏ.
3. (1s) Mŏnani ka ciko, amemi k'abhake.
- Na ngomi phele.
4. (1s) Namisi ndeamŏ, aku ka amisa asu.
- Ōna ajujuki.

41. NAMISI NDEASU

Nsembɔ Erasto

1. Namisi ndeasu, abhikande goto,
Aikande ka mokonda nde.
Bundɔ bámbeeki bǎnseseagande,
Bábe kimoci na ye esa bhui.

Mókɔta ndeasu Yéso Kiísito,
Abhikande goto, bíike bonjanja.
Bésokoseni, ande esa á maseye,
Ka bakpa á Mokonga
Mókɔta koiphie.
2. Batɔa-bojede bábande na banga,
Bábangande tambíságá ndeake.
Batɔa-bojede bákogagande,
Bésɔmeanande ka keongi ndeake.
3. Yéso Namisi ande Moame anjanja,
Ayɔngisande nyɔngɔ bhuhui.
Égabhande mɔgɔgɔ na memɛ,
Beeka moci na ya moci.
4. Mókɔta Yéso ɔsɔkaneɛa phɔ,
Ósosokosɛ bojede bhuhui.
Bondɔ kábɛku nyɔngɔ ndea soni,
Ye phɔ bíike kimoci n’obe.

42. NEGE

Omari Muzalia

Nege, nege, nege,
Jigani na bojeje nɛmɔ. (x2)

Bojeje nɛmɔ
(B) Yéso dáɔngi.

43. BHIKA MOKOTA

Paul Thomas

1. Bógama, Yéso, bógama. (x3)
Ee Yéso, bógama.

Bhika Mókota, bhika aa (x3)
Ee Yéso, bhika aa.

2. Bógemba, Yéso, bógemba. (x3)
Ee Yéso, bógemba.

3. Bógemema, Yéso, bógemema. (x3)
Ee Yéso, bógemema.

44. KESIKIEKU MBUSA

Omari Muzalia

Késikiéku mbusa k' esa ndo á sungia. (x3)
Ka bukpekpe ndea Yéso.

Bémbhebheni, aleluia (x3)
Yéso ande Mókota.

Negande mosa esa ndeamo bhubhui. (x3)
Kimoci na Yéso.

Mema á Mokonga ande nkebea ndea Yéso. (x3)
Ka opha asu bukpekpe.

Kéonéku soni ka nyongó ndea Yéso. (x3)
Sosobe á bakpa.

Bha-za nekidiande kosi motéke n'ego. (x3)
Maseye ángbó sina.

Néonande keongi ndeake dá mokui mon. (x3)
Kosi n'aphe á kobha.

45. YÉSO, BEKOBHEBHI

Omari Muzalia

1. Yéso, bekobhebhi phele.
Onde nkondi kóŏketia gbati.
Ekondi na bukpekpe nekɔ.
Nnaotótɔkeana kengea.
2. Yéso onde kpanga na sungia.
Osóphangiagande aphe n'ego.
Bebhebhi k'ekondi nekɛ.
Kala, k'esa nde na ɔmeyɔ.

46. BA BHÍBHÍ MOKONGA

Nsembɔ Erasto

1. Ba phɔ bhíbhí Mokonga ndeamɔ kekɛ.
Ka nyɔngɔ nde keiphe a ye bhíbhí.
Bakpa buangbo bámosagi sasani.
Óbe bhíbhí tɔ kéna nkpa ángbo.
2. Ba phɔ bhíbhí ani esa aonyena.
Mokonda bhubhui aujikani.
Obe sasakɔ etae akpekpe
Kóotingana ba tɔ bhíbhí ani.
3. Nekokondi obe esa bhubhui.
Ngomi ndeakɔ amótótɔkisi.
Ani mphanigigi tɔndɔ obe.
Ba bhíbhí mphanigigi ndeamɔ.
4. Kébangeku babibia bɔbhu.
Aoba njagakɔ n'a tɔ bhibhi.
Kukua ande eke aomoea ɔani?
Mokonga ndeamɔ ba tɔ bhíbhí ani.
5. Koda k'eme nyɔngɔ ndeakɔ kekɛ.
Ómophangiege nyɔngɔ ndeakɔ bhase.
Bondɔ ememi ndeamɔ esa bhubhui.
Abhe-Mokonga ba tɔ bhíbhí ani.

47. MALAÉKA, TOKA N'EGO

Nsembɔ Erasto

1. Malaéka atoki n'ego,
Na genegene ndea Mokonga.
Déngodi babondigi,
Nyɔngɔ anja ndea Yéso.

A - leluia.
Mbeekani Yéso.
A - leluia.
Yéso Kiísito Namisi.

2. Babondigi ndea mɔgɔgɔ,
Sɔsɔbe á keiphe.
Dábage na Bheteléému,
Dábaɔni Yéso Kiísito.
3. Yéso dákidi mɔtesu,
Ka phenda bojede ndeasu.
Ka koda á aphe ka bɔbhu,
Bondɔ bábe na boamia.
4. Mbeekani Yéso k'esa,
Subi á memanu.
Ye aphanansiande bhase,
Ka kidia n'aphe á n'ego.
5. Okani phɔ esa bhui,
Eso ndeake Namisi.
Beeka imisia ndeake,
Gea ekondi ndeake.
6. Gani phɔ ekanga bhui,
Yɔnga nyɔngɔ ndea Yéso.
Ye nde Namisi na Mɔkɔta
Namisi ndea bakpa.